

南疆彙史

一函
十冊

歙平知

如學

PDG

釋史摭遺卷十五

列傳十五

崑山顧母王氏左贊善紹芳子婦官蔭生同應妻也
子炎武以文章經濟名於世同應早卒氏苦志守節
養炎武於襁褓中嘗以君姑疾篤百藥不能治氏禱
於天抽刀斷一指雜入葯餌以飲姑姑病以療黨族
間遂稱其孝崇禎丙子直指使具疏上聞中例得旌
旌有司建坊焉乙酉夏氏年六十 大兵下江南崑
山去郡祇三十里警報沓至迺避至常熟之郊謂炎

武曰我雖婦人哉然已受朝廷恩命果有大故則死
之時炎武方應邑令楊永言之辟與嘉定諸生吳其
沆及歸莊等共起兵奉故鄣撫王永祚以從夏允彝
於吳淞東魯監國聞之授炎武兵部司務事敗永言
行遜去其沆死之炎武與莊脫歸將奉母他徙而氏
必不可遂從容絕粒而卒遺言後人勿事二姓以故
炎武累奉

本朝徵召輒力辭不赴以游學終其身

撫遺曰亭林先生承太安人之教雖以責走天涯

有故國故君之感而實成其學殖也觀太安人之
從容盡命哀然真足以爲巾幗首

伯商夫人名景蘭字媚生山陰人家本著姓世有名
德故冢宰商周祚女蘇松巡撫贈忠敏祁彪佳配累
膺冠誥封一品夫人瞻才藻能詩畫越中閨秀舊稱
伯仲商夫人仲卽其妹育國色歸兵部尙書上虞徐
人龍子咸清爲宰伯商歸忠敏極閨中倡和之雅祁
氏自其先世夷度君以來淡生堂藏書甲於大江以
南其梅塹鴈園池館之勝則又甲於越中也商日從

事簡冊學益富嘗與忠敏分詠史事慷慨激昂絕不
類巾幗中語教其女及家婦張氏楚纓介婦朱氏趙
璧各操柔翰爲詠吟壺以內雍然化之忠敏盡節商
作詩悼亡云公自垂千古吾猶戀一生君臣原大節
兒女亦人情折檻生前事遺碑死後名存亡雖異路
貞白本相成亦足見其風槩矣生二子長理孫次班
孫同以家丁應江上軍商亦爲之助餉事旣而理孫
被譴抑鬱死班孫遣戍關外後遜歸爲僧其娶卽朱
氏故少師黔督熒元女孫班孫被難朱尙盛年無所

出孤燈繙帳泊如也與姒氏張歷守數十年卒未嘗一出屏寧間里中欽其節謂實出自姑氏之教云

撫遺曰仲商夫人詩名與伯商齊適徐徵士仲山咸清仲山幼慧五歲通經甫鬻髮卽以官監生應鄉舉有文章名初隨父任山東巡撫會蒙宰公還朝過其署見而愛之迺以仲商許旣而國家多故至乙酉始行嘉會禮却扇之際仲山驚其豔曰吾以是爲王霸妻足矣遂避之稽山門故里辟廣庭設長筵雜樹花木發藏書散柴之夫嬾終日相對

坐縱觀以暇則各抽牘爲詩如有年一日天台
老尼從萬年來遙望之合掌曰此妙色身如來也
蓮花化生相好光明已乃咄咄曰善持之善持之
幾見曼陀長養人間世邪於是仲山與仲商約請
各爲程已則著小學一書自一畫以至多畫正形
正聲正義博引羣書合成若干卷名之曰資治文
字而仲商則發願寫妙蓮華經三部每晨焚香滌
指握管作楷凡閱三年而成統字二十萬八千有
廐時仲山方外友三目尊者以孝禪寺落成率領

僧衆披袈裟宣佛號拜乞兩部去供其一於大殿
極薨間納其一於毘盧遮那世尊腹中別一部則
送之天台萬年龍藏中以從老尼志後康熙十七
年仲山以當事薦赴 召或有沮之者浩然歸遂
與仲商偕隱故居逍遙以老子東女昭華皆有才
昭華能詩與祁湘君齊名 案伯商夫人初爲祁
忠敏配鄉里間有金童玉女之目伉儷相重未嘗
寘妾媵忠敏盡節時夫人年勵四十二生三女曰
德淵焄英曰德瑤修嫺曰德苳湘君子嬾理孫妻

張曰德蕙楚纓班孫妻朱曰德蓉趙壁粹美一門
著有東書堂合彙人望之若十二瑤臺焉

毅英能文適姚江姜司農公子桐音先生廷梧
著有靜好集出五男五女桐音遠游必貽詩相
問已罹旤下獄久乃得釋尋以中濕病卒易簣
時諸子環列桐音指之曰以此累子以故諸子
無少長皆自課之三年喪畢不易服縞素至一
十六年蓋有所隱痛也時天下久定凡保家門
者多隆隆起諸子願就試許之仲子兆鵬康熙

辛酉貢於鄉及癸酉伯子兆熊登賢書榜帖至
家人跽請更吉曰謂此區區者遂足以易我心
乎諸子無計乞之西河毛氏以歷古遷變之說
進始易服毛氏遂作祁夫人易服記

史八夫人者姓李氏宛平人督輔史可法弟可經妻
卽督輔夫人之女弟也督輔殉國難可經旋物故八
夫人與其姊夫人奉太夫人居金陵焉先是揚州開
府時有幕下客淞中厲韶伯者軀貌類閣部遂冒其
名集亡命數百人由舒廬破巢縣無爲沿流順軌而

下大帥率省兵擒之詢之則堅冒督輔名眾莫能辨
乃召三夫人識認斥其妄始吐實而八夫人有國色
爲衆所窺會豫章金聲桓反禁旅遑討駐金陵有遼
官聶三者豔之思媚少宰某彊爲委禽八夫人遣婢
拒之不聽詈之亦不聽須臾一婢奉黑漆盤進曰奉
八夫人命意盡於此恣若所爲聶啓視之則一髮髻
一耳一鼻也血淋漓滿漆盤聶乃大驚失措急躍馬
馳去

撫遺曰忠正公弟可程陷賊不死南都以公故置

勿問公恨之出疏糾之案公兄弟自可程官翰林
外尚有數人其後咸來江南省墓可經爲公第八
弟諸生年最少八夫人旣自裁時以其出於大將
所逼莫敢爲之表章者著虜公恨可程不能使節
至不以爲弟矣豈知身後迺得此幼弟之賴以踵
兄公餘烈乎可程其益有以媿焉否

勝朝女官始自楚雄同知高思弄女將軍則石砧
宣撫秦良玉然皆蠻女而土官也如徐鑣者故河
東女子以黑名初陷於賊後歸我將從征累功封

夫人賊畏之謂女將軍鋒不可當也既老居此碣
山入道去當其時稱女將軍而功存故國身入

興朝以隱者有二英焉迺合傳

沈氏雲英蕭山人父官守備以戰死雲英單騎入賊
壘奪還父屍卽自帥所部代城守詔授游擊將軍劉
氏淑英廬陵人父死璫旤從母受書且知兵早寡而
自募一軍誓以報國讐於戲是固兩女子也雲英父
沈至緒崇禎辛未武進士授職守備道州癸未獻賊
破武昌陷岳州過洞庭湖風作覆其百艘賊大怒還

之岳州縱火延燒遂騎而破長沙寶慶衡州湖南郡
縣皆糜爛惟道州以至緒力戰得全旣而賊再至再
戰馬驚仆隕於陣雲英聞變奮臂持矛號哭趨賊營
奪又屍還賊環搦之雲英左右支格兵莫能傷竟完
守入保因是道州終不破巡撫王聚奎具疏以聞帝
詔贈至緒昭武將軍賜祠麻灘予祭授雲英爲游擊
將軍仍代父職領兵守城雲英初隨父任適西川賈
萬策官荊州督師中軍荊州困萬策分門拒守城陷
不屈死雲英聞訃慟哭辭職間關數千里出入賊中

扶其夫櫬歸蕭山并殯其父甲申國變後獨弃服飾
隱居里門爲女教授素工書法旁涉經史然非本宗
子弟不教也其族子兆陽者從之受春秋胡氏傳爲
知名士西河毛氏曾爲之立傳焉卒年三十又入

淑英父劉鐸天啓時知揚州府事忤奄死風節最著
諡忠烈方罹阼時淑英止七歲母氏蕭陳其父書自
課之旁及司馬兵法公孫劍術至普門經咒莫不精
貫及笄歸同邑王藹年十八而寡甲申闖賊陷京師
帝后殉社稷淑英聞之慟哭曰先子與王氏皆世祿

吾恨不爲男子然獨不能殲此渠兇以報國仇邪因
檄家財募士卒得千餘人併其僮僕婢媵部勒之成
一旅然孤軍無策應者自念當寇徒死無益時督輔
何騰蛟置十三家軍檄駐楚中會張先壁劄永新聞
名請謁淑英喜欲資爲助遂開壁門見之流涕爲言
指陳大義諸軍胥變色拱立聽命旦日過先壁報禮
且周視其營閱其兵出千金爲犒佐以牛酒一軍盡
驩然先壁心持兩端卒不敢赴敵且微露欲納淑英
意淑英乃大怒就筵間拔劍將斬之先壁惶遽環柱

而走一軍皆甲淑英叱曰汝曹何怯也怯如是而能
赴湯蹈火乎此吾自不明吾自誤吾一女子耳又安
事甲口占句云銷磨鍊膽甘吞劍抉却雙瞳欲挂門
大書於壁從容北嚮載拜曰臣妾將從先國母周皇
后在天左右矣先璧悔且愬率麾下叩頭請死淑英
曰嬖言不出於閭吾以國難蒙耻以至於此事之不
濟天也將軍好爲之跨馬竟去盡檄所部使歸田里
獨闢一小菴曰蓮舫迎其母歸養奉佛以終於戲哭
父捐軀有若浮江孝女奉母完節依然報國初心於